



Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 34. Innici Avalos Cardinalis obitus.

[urn:nbn:de:hbz:466:1-67263](#)

Sæcul. XVI. meritis clarus anno Domini millesimo
A.C. 1600. quingentesimo octogesimo tertio die
duodecima Decembris a Gregorio XIII.
summo Pontifice Presbyter Cardinalis
renuntiabatur, assumpto titulo sancti
Sixti, anno autem Incarnationis Domi-
nicæ millesimo quingentesimo nonag-
simo primo a Vilnenli ad Cracoviensem
Ecclesiam translatus, atque a Clemen-
te VIII. ad Sigismundum Poloniæ Re-
gem, nec non ad Rudolphum sacri Ro-
mani Imperii Imperatorem Legatus fuit
missus: inde vero Romam profectus Le-
gationis suæ rationem reddidit, quo fa-
cto ad commissam sibi Ecclesiam rever-
sus est, anno tamen sacro rursus Romam
contendens repentina morbo afficieba-
tur, ipsoque adhuc mense Januario non
sine summo omnium luctu nonnisi qua-
dragesimum quartum ætatis suæ an-
num agens mortalitatem exuebat, se-
pultus Romæ in Ecclesia Patrum So-
cietatis.

§. XXXIV.

Innici Avalos-Cardinalis mors.

*Cabrara &
Petromel.* Proximo mense Februario die vigili-
Thuan. l. 124 ma mundo valedicebat Innicus, ieu-
p. 879. Ignatius Avalos de Arragonia patria
Ciacon in Neapolitanus Alphonsi Vastii Marchio-
vita Pontif. nis toto orbe celeberrimi, & Mariæ Ar-
tom. 3 p. 935. ragoniæ Filius, qui a juventute sua sin-
gulari

gulari in rebus gerendis dexteritate, prudentia, morumque integritate conspicuus primo S. Jacobi Eques, postea Regni Neapolitani Cancellarius siebat, ac demum sacris Ordinibus initiatus a Pio IV. summo Pontifice anno restauratæ salutis millesimo quingentesimo sexagesimo primo die vigesima sexta Februarii unacum aliis septendecim Cardinalibus Diaconis titulo S. Luciæ, ac postea S. Adriani, & demum S. Laurentii in Licina adscribatur: anno autem Domini millesimo quingentesimo sexagesimo tertio Taurensem Ecclesiam rexit, quam tamen expleto biennio Hieronymo Roboreo cessit, die vero vigesima prima Augusti anno Christi millesimo quingentesimo sexagesimo sexto Melitensis Antistes creatus septem annis hanc Ecclesiam administravit, donec anno post Christum natum millesimo quingentesimo octogesimo sexto Sabinensis, ac tertio post anno Tusculanus, atque anno millesimo quingentesimo nonagesimo primo Portuensis, & sanctæ Rufinæ Episcopus renuntiaretur. Porro cum Clemens VIII. Ferrariam proficisci ceteratur, Innicus Romæ Legatum agebat, ubi gravissima etiam negotia tanta prudenter, Reipublicæ studio, ac Religionis fervore expediebat, ut ingens sui desiderium relinquere. Interfuit is pluribus

Sæcul. XVI.
A.C. 1600.

Q q 4 sum-



Sæcul. XVI.

A.C. 1600.

summorum Pontificum comitiis, in quibus ceteri Cardinales præcipue juniores juxta celeberrimi hujus Purpuratmonita, & consilia sese componere certabant: tandem vero vitæ suæ meritis plenæ cursum Romæ feliciter emensus est.

S. XXXV.

*Petri Decii Cardinalis fata.***Ciacon. to. 4.
p. 59.****Thuan. l. c.****Ughel. Ital.****sacra de****Episc. Alb.****Aubery, in****vita Card.**

Mensem Augustum sibi exitalem habuit Petrus de Deza, seu Decius natione Hispanus, Antonii, & Beatus Gusmanæ Filius, necnon Lusitanæ Regibus sanguine junctus. Hic anno a partu Virginis millesimo quingentesimo vigesimo die vigesima quarta Februarii Tauri veteris Castellæ oppido natus, secundo vitæ suæ anno nondum exploto ibidem utroque parente orbatus relinquebatur: verum plus quam paterna Ulloæ Perniræ cura liberaliter educatus, tantum in literis profectum fecerat, ut Salmanticam missus decimo etatis suæ anno tam sacræ, quam profanæ Jurisprudentiæ operam navaret, ac nondum viginti septem annos natus jamjam in celeberrimo sancti Bartholomæi Collegio Professorem ageret, paulopost autem amplis undecim Diecebus tanquam Judex Metropolitanus ab Archiepiscopo Compostellano præfectus summi